

Radøy kommune

Saksframlegg

Saknr	Utval	Type	Dato
080/2018	Formannskapet i Radøy	PS	22.11.2018

Sakshandsamar	Arkivsaknr.:	Dokumentnr.:
Anne Dahle Austrheim	18/36	18/15735

Søknad om prosjekt- og aktivitetstilskot - Manger skulemusikklag

Saksopplysingar:

Bakgrunn

Manger skulemusikklag søker om prosjekt- og aktivitetstilskot på kr. 20 000,- til Mangerfestivalen, som er ein konkurranse for skulekorps. Mangerfestivalen har i tillegg solistkonkurranse, aspirantseminar og festkonsert. I år har dei fått Sjøforsvarets musikkorps til å spela på festkonserten og dei søker om tilskot for å dekkja honorar til desse.

Vurdering

Mangerfestivalen er ein årleg festival og ein del av Manger skulemusikklag si årlege drift. Det som er særskild dette året er at dei har fått Sjøforsvarets musikkorps til å spela på festkonserten og desse skal ha kr 20 000 i honorar.

Arrangementet ligg inne i budsjettet for skulemusikklaget og ein har budsjettert med eit overskot på kr 70 000. Mangerfestivalen er ei viktig inntektskjelde for Manger skulemusikklag. Totalbudsjettet for laget for 2018 viser eit samla underskot på 157 000 kr.

Rådmannen vurderer søknaden etter retningslinene for kulturmidlar i Radøy kommune. I retningslinene står det at kommunale kulturmidlar kan gjevast til lag, foreiningar og organisasjonar som har sitt virke i Radøy kommune. Tilskot kan gjevast til opne kulturarrangement og -prosjekt, og til innkjøp av utstyr. Arrangement og prosjekt som er nyskapande, vert prioriterte. Tilskotet skal vera behovsprøvd. Vidare står det at tiltak som rettar seg mot born og unge og menneske med nedsett funksjonsevne skal prioriterast.

Søknaden har vore på uttale hjå til Song- og musikkrådet og Ungdomsrådet. Ungdomsrådet si innstilling er at ein kan gje støtte på kr 10 000 då dette er eit arrangement som når mange. Radøy song- og musikkråd si innstilling er at det kan gjevast ein underskotsgaranti på kr 10 000,- for årets festkonsert.

Mangerfestivalen engasjerer mange barn og unge og er ein viktig arena for korpsmusikken i Radøy. Det å engasjera Sjøforsvarets musikkorps på festkonserten vil vera med å gje inspirasjon og engasjement for vidare satsing i skulekorps og kan trekka eit endå større publikum til konserten. Etter retningslinene skal tiltak retta mot born og unge prioriterast og at tilskot kan gjevast til opne kulturarrangement og -prosjekt og tiltak som er nyskapande skal prioriterast, men tiltaket skal og vera behovsprøvd. Mangerfestivalen går med overskot og det er i søknaden budsjettert med eit overskot på kr 70 000 utan tilskot frå kommunen. Tilskotet frå kommunen er ikkje avgjerande for at tiltaket skal kunna gjennomførast og rådmannen finn ikkje at søknaden kan imøtekomast.

Konklusjon

Etter ein vurdering av søknad opp mot retningslinene for kulturmidlar finn rådmannen at tilskot til Mangerfestivalen ikkje vert prioritert og innvilga.

Rådmannen sitt framlegg til vedtak:

Søknad om tilskot til Mangerfestivalen vert ikkje innvilga.

Formannskapet i Radøy - 080/2018

FS - handsaming:

Vidar Grindheim (H) ba formannskapet vurdere habiliteten hans på bakgrunn av at han er engasjert i foreldrearbeidet i Manger skulemusikklag og at han er 2. varamedlem til styret i korpset.

Formannskapet kjende Grindheim inhabil, og han deltok ikkje i handsaminga av saka.

Formannskapet hadde ei grundig drøfting av saka, og konkluderte med at det ikkje vil vera i samsvar med retningslinene å innvilga søknaden om prosjekt- og aktivitetstilskot til Mangerfestivalen.

Formannskapet vedtok rådmannen sitt framlegg til vedtak.

FS - vedtak:

Søknad om tilskot til Mangerfestivalen vert ikkje innvilga.

Vedlegg:

Søknad om prosjekt - og aktivitetsstøtte

resultset_4609_10_vedlegg1.pdf

Uttale til søknad om prosjekt- og aktivitetstilskot

Radøy musikkråd uttale Mangerfestivalen